

大毗婆沙論


才一百五十四

情四

二百七

28505

Handwritten marks at the top center.



阿毗達磨大毗婆沙論卷第一百五十四

情

五百大阿羅漢等造 三藏法師 玄奘奉 詔譯

根蘊第六中等心納息第四之四

契經中說任滅定者不爲火所燒水所漂毒
所中刃所害他所殺問何故任滅定者有如
是勝利尊者世友作如是說由此滅定是不
害法故任此者非害所害有說此定有大威
德爲諸威德天神護之故不可害有說得靜
慮者靜慮境界具神通者神通境界俱不思
議故不可害有說此定無心非無心者有生
有死故不可害等活契經是此論緣起昔有
佛名羯洛俱村馱有第一雙弟子一名極遠

二名等活尊者等活曾於一城中作多教化
衆所知識後於城邊多人行處入滅盡定時
有放牧樵採行人見已咸言今此尊者端坐
滅度誠爲異哉我等宜應焚燒供養便取種
種牛糞乾薪埋積其身焚之捨去尊者明且
從定而起振迅衣服於日初分持鉢入城徐
行乞食時焚燒者見已驚言我等昨燒其屍
而今復來乞食城中人衆等皆唱言今此沙
門死而還活由斯故名等活尊者應知身不
燒者由滅定力故衣不燒者由神通力故有
說身及衣俱不燒者皆由滅定力故是故彼
經是此論緣起

傳喻中說若有施從滅定起者彼必成順現法受業問何故施從滅定起者必成順現法受業耶答此不必須通所以者何此非素怛纜毗奈耶阿毗達磨教但是傳喻所說諸傳喻說或然不然若必欲通者應知此施或得現果或得大果彼順世間意所樂故但說現果問何故施從滅定起者或得現果或得大果答若有施從此定起者則爲施從一切靜慮解脫等持等至起者所以者何諸欲入出滅盡等至必先起欲界善心次入初靜慮如是乃至入非想非非想處從此無間入滅盡定從此定出或起非想非非想處或起無所

有處如是乃至還起初靜慮復入欲界善心
彼由如是功德勳相續故能令施者或得現
果或得大果有說從滅定起者威儀寂靜來
往語言衣著飲食皆悉詳審諸清信長者婆
羅門等見已咸生希有之想以殷淨心施諸
資具故得現果或得大果有說得此定者名
稱普聞過於餘定諸清信長者婆羅門等聞
已皆生竒特之想以殷淨心施諸資具故得
現果或得大果有說任滅定者諸食皆斷若
施從此起者則爲施無食者食謂任有漏有
心定者雖斷段食而食有漏觸思識食任無
漏定者雖斷真實四食而有相似觸思識食

住滅定者一切皆無是故施從此起者則爲
施於無食者食由此因緣或得現果或得大
果有說若有施從此定起者則爲施到涅槃
還來者食以此定似涅槃故謂如入無餘依
涅槃界者滅一切有所緣法心心所法不起
不滅住滅定者亦滅一切有所緣法心心所
法不起不滅故似涅槃是故施從此定起者
則爲施到涅槃還來者食由此因緣或得現
果或得大果復次非但施從滅定起者能得
現果若施五種補特伽羅皆得現果一從滅
定起二從慈定起三從無諍定起四從見道
起五從初得盡智起復次若施五種補特伽

羅能得大果一父二母三病者四說法師五
近佛地菩薩

問滅盡定於衆同分爲亦能引爲但滿耶答
此但能滿而不能引所以者何惟業能引衆
同分此非業故問此定爲順現法受爲順次
生受爲順後次受爲順不定受耶答此定或
順次生受或順後次受或順不定受非順現
法受已生有頂不起此定故問此於何處受
何異熟答此於非想非非想處受四蘊異熟
問諸成就滅定亦成就彼異熟耶答應作四
句有成就滅定非彼異熟謂生欲色界已得
滅定及得已不退命終生非想非非想處滅

定異熟不現在前有成就彼異熟非滅定謂
得滅定已而退命終生非想非非想處滅定
異熟現在前有成就滅定亦彼異熟謂得滅
定已不退命終生非想非非想處滅定異熟
現在前有非成就滅定亦非彼異熟謂生欲
色界不得滅定設得已退若生空處識處無
所有處若不得滅定生非想非非想處及得
已而退命終生非想非非想處滅定異熟不
現在前

問諸退滅定亦退阿羅漢果耶答應作四句
有退滅定非阿羅漢果謂學者退滅定及無
學者退滅定而不起結有退阿羅漢果非滅

定謂慧解脫阿羅漢退及先學位起滅定已
得阿羅漢果起上位結退有退滅定亦阿羅
漢果謂先學位起滅定已得阿羅漢果起下
位結退及無學位起滅定已起三界結隨一
而退有非退滅定亦非阿羅漢果謂除前相
阿羅漢有六種謂退法思法護法安住法堪達
法不動法問諸退法彼一切俱解脫耶荅應
作四句有退法非俱解脫謂退法不得滅定
有俱解脫非退法謂思法乃至不動法已得
滅定有退法亦俱解脫謂退法已得滅定有
非退法非俱解脫謂思法乃至不動法不得
滅定如退法阿羅漢對俱解脫作四句餘五

阿羅漢對俱解脫亦亦如是成六四句如無
學道有六種阿羅漢學道亦有六種種性謂
退法種性乃至不動法種性問諸退法學彼
一切身證耶荅應作四句有退法學非身證
謂退法學不得滅定有身證非退法學謂思
法學乃至不動法學已得滅定有退法學亦
身證謂退法學已得滅定有非退法學亦非
身證謂思法學乃至不動法學不得滅定如
退法學對身證作四句餘五種性對身證亦
亦如是亦成六四句

問若法是心等無間彼法是心無間耶荅應
作四句有法是心等無間非心無間耶荅謂

除滅定初刹那及餘有心位諸餘滅定刹那
及出滅定心心所法有法是心無間非心等
無間謂滅定初刹那及餘有心位彼生住老
無常有法是心等無間亦心無間謂滅定初
刹那及餘有心位心心所法有法非心等無
間亦非心無間謂除滅定初刹那及餘有心
位彼生住老無常諸餘滅定刹那及出滅定
心心所法有法是心等無間彼
法是滅定無間耶答應作四句有法是心等無
間非滅定無間謂滅定初刹那及餘有心位
心心所法有法是滅定無間非心等無間謂除
滅定初刹那及餘有心位彼生住老無常諸

餘滅定刹那及出滅定心位彼生住老無常
有法是心等無間亦滅定無間謂除滅定初
刹那及餘有心位諸餘滅定刹那及出滅定
心心所法有法非心等無間亦非滅定無間
謂滅定初刹那及餘有心位彼生住老無常
生無想天幾根滅答八謂眼耳鼻舌身命意
捨根問此說從何處生無想天耶答此說從
無想中有生無想生有問介時亦有信等五
根現在前滅何故不說答此文應作是說或
八或十三中有最後心無記者八善者十三
而不作是說者應知此義有餘有作是說此
中但依滅位生位皆有者說信等五根惟滅

位有非生位有是故不說何繫心心所滅答
色界繫幾根現前答八如前說何繫心心所
現前答色界繫死生必起自地心故
無想天歿幾根滅答八如前說何繫心心所
滅答色界繫幾根現前答或八或九或十無
形八謂眼耳鼻舌身命意捨根一形九加男
女根隨一二形十加男女根何繫心心所現
前答欲界繫由此證知從無想天歿定生欲
界問定生何處答有說生地獄有說生惡趣
如是說者定生欲界處所不定或生惡趣或
天或人問何故從無想天歿定生欲界答由
異熟因勢力介故隨異熟因所有勢力惟令

如是異熟起故有餘師說無想壽盡餘處壽業不增長故謂先增長無想壽業今已受盡餘處壽業先不增長故從彼歿定生欲界問彼亦曾起下三靜慮何故不引彼地壽果答彼雖曾起下三靜慮非堅執故不引彼壽惟堅執著第四靜慮故引彼壽有說彼雖曾起

下三靜慮而非所求彼惟求於第四靜慮有說彼雖曾起下三靜慮但如所涉路而非所趣第四靜慮是正所趣非如所涉路故引彼壽有說若造無想天順次生受業者法亦亦造欲界順後次受業如造北俱盧洲順次生業者法亦亦造欲界天順後次受業有說欲

界是一切有情退所歸處。謂諸有情由業力修力往色無色界。彼業若盡還墮欲界。譬如大地是諸飛鳥退所歸處。謂諸飛鳥由翅翮力飛騰虛空。翮力盡時還墮於地。有說無想有情經五百劫任於無想。如熟睡眠覺已不能取餘異熟。便墮欲界。如人在樹端倚枝而眠。多時欬覺。手忘攀攬。即便墮地。彼亦如是。有說求無想者。執無想定爲真道。彼異熟爲涅槃。乃至生彼天中。此執隨逐。彼後從無想。出將命終時。見當生相。便作是念。定無涅槃。若實有者。我已證得。於今何故。生相現前。由謗涅槃及聖道。故從彼處。歿生惡趣中。尊者

妙音亦作是說彼謗涅槃及聖者故從彼命
終定生惡趣

問無想定無想事何差別答名即差別此名
無想定此名無想事復次因是無想定果是
無想事復次異熟法是無想定異熟是無想事
復次無想定是善無想事是無記復次無想
定是定無想事是生復次無想定加行功用
作意所起無想事非加行功用作意所起復
次無想定通在此彼得此彼得現在前無想事
惟在彼得彼現在前復次無想定是加行得
無想事是生得是謂無想定無想事差別問
無想天在何處攝答外國師說第四靜慮處

別有九此是一處迦濕彌羅國諸論師言即
廣果天攝然以高勝寂靜故別立名猶如村
邊阿練若處問彼天身量云何答五百踰繕
那問彼壽量云何答五百劫問作何等威儀
住有說結跏趺坐如沙門釋子有說却踞而
坐如婆羅門如是說者如先入此定所住威
儀即以此威儀於彼五百劫住
無想有情生時當言有想耶無想耶乃至廣說
問何故作此論答欲止他宗顯己義故謂或
有說無想有情生時死時俱無心想爲遮彼
意顯彼有情生時死時俱有心想非無心想
有死生故或復有說無想有情生時有心死

時無心爲遮彼意顯彼死時亦有心。想非無
心想有命終故。或復有說無想有情生時死
時雖俱有心。然惟一念非久相續爲遮彼意
顯彼生時生已經久。心猶相續後方無想。從
無想出有心。多時後方捨命。是故如是說。頗
有處惟二刹那有心。謂結生及命終時。耶荅
應說無尊者。妙音說有謂即無想天。頗有處
結生心爲等無間緣。命終心起。耶荅應說無
尊者。妙音說有謂即無想天。頗有處結生心
爲四緣。命終心起。耶荅應說無尊者。妙音說
有謂即無想天爲遮此等。故作斯論。無想有
情生時當言有想。耶無想。耶荅當言有想。此

即遮止執無想天生時無心者意如世尊說
彼諸有情由想起故從彼處歿從彼歿時彼
想當言滅耶不滅耶答當言滅此即遮止執
無想天死時無心者意當言任何處彼想滅
耶答當言即住彼處此即遮止執無想有情
惟死時生時一念有心者意問無想有情前
心多耶後心多耶答有說前心多非後心以
彼未入無想位時異熟相續勢力猛盛故多
時有心方入無想出無想已異熟相續勢力
衰微故少時有心即便捨命有說後心多非
前心以彼未入無想位時欣求無想其心猛
利故少時有心即入無想出無想已無所欣

求故多時有心然後捨命如是說者此事不定或前多後少或前少後多隨彼意樂有差別故

彼想當言善為無記耶若善或無記彼想幾隨眠隨增若色界有漏緣幾結繫耶若六彼想者謂出無想想或善或無記者善謂生得善無記謂有覆無記或無覆無記色界有漏緣者謂第四靜慮有漏緣隨眠問何故無漏緣隨眠於彼想不隨增耶若彼計無想為涅槃無想定為真道乃至生彼及從彼歿惟如是執還復隨轉於真滅道不謗為無故無漏緣亦時不起六結繫者除恚嫉慳有餘結

繫問出無想想爲五部所斷爲但修所斷耶
若尔何失若五斷者十門所說當云何通如
說過去法爲等無間生二心若修斷者此文
復云何通如說彼想色界有漏緣隨眠隨增
荅有作是說此通五斷問十門所說當云何
通荅彼文應言過去法爲等無間生六心謂
色界五無色界一而不作是說者有何意耶
當知彼文但依二無心定出心而說不說無
想所以者何二無心定加行功用作意而起
無想不尔有餘師言惟修所斷問此文所說
當云何通荅此文應言彼想色界遍行及修
所斷隨眠隨增而不作是說者有何意耶當

知此中兼說和合彼有命終時心通於五部
非但說出無想心以命終心是前眷屬故此
兼說評曰應知前說者好無別道理遮餘心
故如世尊說一切有情皆由食住無想有情
由何食住答觸意思識問何故作此論答欲
令疑者得決定故謂無想天必無段食觸意
思識亦滅無餘勿有疑彼無食而住則不可
通世尊所說一切有情皆由食住為除彼疑
顯無想處雖無段食而有餘三與經相應故
作斯論

問彼無想位三食亦滅云何說有答食有二
種一先時能引二現在任持彼位雖無現任

持食而有先時能引之食故名有食有說彼
中有三種食一業食二生食三等無間緣食
業食者謂先所造彼地業能引彼生故生食
者謂結生心及俱有法引彼一期令相續故
等無間緣食者謂入無想觸意思識為等無
間緣能引無想出心心所令必當起不永斷
故由此故說一切有情皆由食住

問眼根攝幾根乃至具知根攝幾根答眼根
攝眼根乃至廣說問何故作此論答欲止說
諸法惟攝他性者意顯一切法唯攝自性故
作此論眼根攝眼根者此依種類揔相而說
若別說者眼有二種謂左與右左攝左右攝

右左復有二謂所長養及異熟生所長養攝
所長養異熟生攝異熟生異熟生復有二種
謂善業異熟不善業異熟善業異熟攝善業
異熟不善業異熟攝不善業異熟善業異熟
復有二種謂人與天人攝人天攝天天復有
二謂欲界色界欲界攝欲界色界攝色界色
界復四謂四靜慮初靜慮攝初靜慮乃至第
四靜慮攝第四靜慮不善業異熟復有三種
所謂地獄傍生鬼界地獄攝地獄乃至鬼界
攝鬼界如是左眼并諸差別各有三世過去
攝過去未來攝未來現在攝現在過去復有
無量刹那一一刹那各各自攝如過去未來

亦然如左右亦尔此中但依種類揔說如眼
根耳鼻舌命苦憂根亦尔此皆各攝自一根
故身根攝三根謂身女男根女根攝女根身
根少分如女根男根亦尔意根攝意根三根
少分謂三無漏根由彼三根九法爲體攝意
非餘故言少分如意根樂喜捨根信等五根
亦尔未知當知根攝未知當知根九根少分
謂意三受信等五根此九皆通有漏無漏今
惟攝無漏於無漏中復有三道今惟攝見道
故言少分如未知當知根已知根具知根亦
尔信力乃至慧力念等覺支乃至捨等覺支
正見乃至正定法智乃至道智空無願無相

攝幾根。答：信力攝一根，三根少分謂三無漏根。此三各以九法爲性。攝信非餘，故言少分。如信力餘四力亦尔。念等覺支攝四根少分，謂念根三無漏根。念根通有漏無漏，今惟攝無漏三根。九法爲性，今惟攝念，故言少分。如念等覺支擇法精進喜定等覺支亦尔。餘不攝根，謂安捨等覺支不攝根，無根相，故正見攝四根少分，謂慧根三無漏根。如正見正勤念定亦尔。餘不攝根，謂正思惟正語業命不攝根，無根相，故法智攝四根少分，謂慧根三無漏根。如法智類智苦集滅道智亦尔。他心智攝三根少分，謂慧根已知具知根云何攝。

慧根少分謂慧根通緣一法多法自相共相
現在三世他身自身相應不相應境此惟攝
緣一法自相現在他身相應境慧故言少分
二無漏根九法爲性此惟攝慧慧中差別如
前此惟攝緣一法慧等故言少分世俗智攝
一根少分謂慧根以慧根通有漏無漏今惟
攝有漏故言少分空攝四根少分謂定根三
無漏根如空無願無相亦亦意根幾根相應
乃至具知根幾根相應答意根十根三根少
分相應乃至廣說問何故作此論答有迷相
應執相應法非實有性爲止彼意顯相應法
體是實有故作斯論意根十根相應者謂五

受信等五根三根少分相應者謂三無漏根以彼三根九法爲性除意自體與餘相應故言少分樂喜捨根九根少分相應謂意信等五三無漏根與意信等五少分相應者彼六根皆與五受根俱生今樂喜捨各惟與自根俱生者相應故言少分與三無漏根少分相應者彼三根九法爲性三受俱生今樂喜捨惟與自根俱生者相應故言少分苦根憂根六根少分相應謂意根信等五根云何與彼少分相應謂彼六根五受俱生今苦憂根惟與自根俱生者相應故言少分信根四根九根少分相應四根者謂精進念定慧九根少

分相應者謂意五受三無漏根與意五受少
分相應者彼六根通染不染今信根惟與不
染善者相應故言少分與三無漏根少分相
應者彼三根九法爲性今除信自體與餘相
應故言少分如信根精進念定慧根亦尔未
知當知根與未知當知根九根少分相應與
未知當知根相應者此根九法爲性一一除
自與餘相應皆名此根此根相應九根少分
相應者謂意樂喜捨信等五根去何與彼少
分相應謂彼九根通有漏無漏今惟與彼無
漏相應於無漏中通見道修道無學道今惟
與彼見道相應故言少分如未知當知根已

知根具知根亦余惟位有別餘皆同故

信力乃至慧力念等覺支乃至捨等覺支正見乃至正定法智乃至道智空無願無相幾根相應答信力四根九根少分相應四根者謂精進念定慧九根少分相應者謂意五受三無漏根義如前說如信力餘四力亦介謂精進念定慧念等覺支十一根少分相應謂意樂喜捨信等四三無漏根與意三受信等四少分相應者彼八根通有漏無漏今惟與彼無漏相應故言少分與三無漏根少分相應者彼三根九法爲性今除念自性與餘相應故言少分如念等覺支擇法精進定等覺

支亦尔喜等覺支九根少分相應謂意信等
五三無漏根與意信等五少分相應者彼六
根通有漏無漏今惟與彼無漏相應於無漏
中通依九地謂未至靜慮中間四靜慮下三
無色今惟與彼依初二靜慮者相應故言少
分與三無漏根少分相應者彼三根通樂喜
捨及彼俱生今惟與喜根俱生者相應故言
少分安捨等覺支三根九根少分相應三根
者謂三無漏根九根少分相應者謂意樂喜
捨信等五根云何與彼少分相應謂彼九根
通有漏無漏今惟與彼無漏相應故言少分
正見十一根少分相應謂意樂喜捨信等四

三無漏根義如念等覺支說如正見正思惟
正勤正定亦亦然正思惟少有差別謂意喜
捨信等五三無漏根是謂十一此十一根通
依諸地今惟與依未至初靜慮者相應故言
少分餘非根相應謂正語業命非根相應非
相應法故法智十一根少分相應如正見說
如法智類智苦集滅道智亦余他心智十根
少分相應謂意樂喜捨信等四已知具知根
義如攝中說世俗智二根八根少分相應二
根者謂苦憂根八根少分相應者謂意樂喜
捨信等四根云何與彼少分相應謂彼八根
通有漏無漏今惟與彼有漏相應故言少分

空無願無相十一根少分相應如念等覺支說

說一切有部發智大毗婆沙論卷第一百五十四情

攷

目下音

樵採

上自

振迅

下

作奮

方問

反

素

但

中

丁達

反

翹

上

施智

反

上音

歛

許勿

攀攬

下郎

迤

溼

下

却

下音

教



